



EM í fótbolta 2022

MIDVIKUDAGUR 6. júlí 2022





Fanndís segir að það hafi verið viss léttir að ná að brjóta ísinn á stórmóti með marki sínu gegn Sviss. Hún var búin að setja sér markmið um að koma að marki, fyrir EM í Hollandi.

FRÉTTABLAÐIÐ/
GETTY

Fólkið manns í stúkunni gefur þessu aukið vægi



Kristinn Páll Teitsson
kristinnpall@frettabladid.is

Fanndís Friðriksdóttir fylgist með úr fjarska í fyrsta sinn í sumar en hún er að ná sér af krossbandsmeiðslum. Fanndís fór með liðinu á síðustu þrjú Evrópumót og skoraði eina mark Íslands á EM í Hollandi. Hún kveðst spennt að sjá yngri leikmenn liðsins spreyta sig á fyrsta stórmóti sínu og telur aldurssamsetningu hópsins hafa heppnast vel.

„Ég fer ekki út að sjá þær spila en fylgist vandlega með að heiman. Þetta verður skrítið því ég var búin að sjá þetta öðruvísi fyrir mér,“ segir Fanndís Friðriksdóttir, leikmaður Vals, spurð út í tilfinninguna sem fylgir því að vera fjarri landsliðshópnum á Evrópumóti í fyrsta sinn. Fanndís hefur farið á síðustu þrjú Evrópumót með landsliðinu og skoraði eina mark Íslands á síðasta EM. Meiðsli undir lok síðasta árs sem reyndust slitið krossband gerðu hins vegar út um vonir Fanndísar um að komast á sitt fjórða Evrópumót í röð.

„Seinkunin um eitt ár virtist ætla að henta mér vel til að ná aftur fyrri styrk eftir óléttuna og ég var á mjög góðri vegferð áður en ég meiðist þarna í desember.“

Hún fær því að fylgjast með mótinu frá nýju sjónarhorni í ár, en búið er að selja metfjölda miða og verður mótið það stærsta til þessa. Fanndís tekur undir að það sé í takti við meðbyrinn sem kvennaknattspyrnan nýtur viðs vegar um Evrópu þessa dagana.

„Það er allt annað að fylgjast með aðdragandanum, þetta virðist ætla að verða stærsta mótið til þessa og í takti við þróun kvennaknattspyrnunnar. Ef ég er hreinskilin dauðöfunda ég stelpurnar af því að vera að fara á mótið en samgledst þeim um leið, sérstaklega þeim sem eru að fara í fyrsta skiptið,“ segir Fanndís og heldur áfram:

„Ég gerði mér ekki endilega grein fyrir því hvað þetta var stórt tækifæri árið 2009, þá bara nítján ára. Það var strax allt stærra fjórum árum síðar á EM 2013 og það náði svo nýjum hæðum á EM í Hollandi.



Fanndís fagnar hér marki sínu með Söru Björk en hún er fegin að sjá landsliðsfyrirliðann í hópnum á EM í sumar.

Ég tel að það sé raunhæft markmið að stefna á að fara upp úr riðlinum.

Fanndís

Friðriksdóttir

Það verður gaman að fylgjast með þessu í sumar því þetta á eftir að verða enn stærra í takti við vaxandi áhuga á kvennaknattspyrnu.

Fanndís, sem er í sjöunda sæti þegar kemur að fjölda landsleikja og niunda sæti þegar kemur að fjölda marka frá upphafi, segir að það sé erfitt að lýsa því hvernig það sé að koma fram á stórmóti fyrir hönd þjóðarinnar.

„Í loks dagsins eru þetta bara knattspyrnuleikir, en á sama tíma er þetta svo ofboðslega mikill heiður. Umgjörðin í kringum þessa leiki og mótið í heild sinni gefur þessu alltaf aukna vigt. Þessi samheldni sem skapast í leikmannahópnum, lengri tími sem það er æft saman og einföldu hlutirnir, eins og að klæðast eins í aðdraganda leikja. Það er erfitt að lýsa þessu. Það er alltaf aukin hvatning, þegar maður er að spila fyrir Íslands hönd. Svo er fjölskyldan og fólkið manns í stúkunni sem gefur þessu um leið aukið vægi,“ segir Fanndís, spurð hvernig hægt sé að lýsa því að koma fram fyrir Íslands hönd á stórmóti.

Þrátt fyrir brösugt gengi íslenska liðsins á síðasta stórmóti gekk Fanndís nokkuð stolt af frammi-

stöðu sinni frá borði, sérstaklega markinu.

„Fyrir mót var ég búin að setja mér það markmið að koma að marki, helst að skora mark, enda í þeirri stöðu á vellinum. Þetta var mjög eftirminnileg stund og um leið ákveðinn léttir að sjá boltann í netinu. Með því var ég búin að ná markmiði mínu og gat strikað það út af listanum,“ segir Fanndís glettin og heldur áfram:

„Það eru blendnar tilfinningar að rifja mótið upp, liðinu gekk ekki vel en mér fannst frammistaða mín fin. Þegar ég lít til baka er ég ánægð með hvernig ég stóð mig þó að úrslitin hafi ekki verið okkur hagstæð.“

Eyjamærin, sem hefur leikið með Breiðabliki og Val á Íslandi, Kolbotn og Arna Björnar í Noregi, Marseille í Frakklandi og Adelaide United í Ástralíu, er ánægð með hópinn.

„Þegar ég lít yfir hópinn finnst mér hann mjög vel samsettur og aldursdreifingin í honum góð. Það er mikilvægt að hafa reynslumeiri leikmenn eins og Söru, Hallberu, Gunnhildi, Sif og Söndru þarna í bland við yngri leikmennina, sem eru hrikalega spennandi. Sveindís

og Karólína eru stjórnur framtidarinnar og ég vona að þær og aðrir yngri leikmenn liðsins nái að springa út og taka næsta skref á landsliðsferlinum á EM.“

Fanndís vill sjá íslenska liðið komast upp úr riðlinum en eftir það sé pressan farin af Íslandi.

„Það er kannski gróft að gera kröfur á það, en ég tel að það sé raunhæft markmið að stefna á að fara upp úr riðlinum. Eftir það er allt mögulegt,“ segir Fanndís og tekur undir að fyrir fram séu Frakkar með sterkasta lið riðilsins.

„Við höfum mætt Frökkum nokkrum sinnum og þær eru svakalega erfiðar mótherji enda í flokki bestu liða heims. Fyrir fram erum við litla liðið í því einvígi, sem gæti hentað okkur vel. Við stóðum í þeim árið 2017 og vorum óheppnar að fá ekkert úr þeim leik,“ segir Fanndís, sem er greinilega ekki búin að gleyma leiknum þar sem Frakkar unnu 1-0 sigur með ódýrri vítaspyrnu á lokamínútum leiksins.

„Þær fengu þetta mjög ódýra víti sem var alls ekki víti. Það gerði útslagið,“ segir hún kímín að lokum. ■



Evrópumeistaramót kvenna í knattspyrnu hefst í dag. Ísland spilar sinn fyrsta leik á sunnudaginn kemur. Við gætum ekki verið stoltari af landsliðinu okkar og hlökkum til að sýna þeim stuðning í verki. Ekkert getur stoppað okkur í því. – **Áfram Ísland!**

ICELANDAIR 



Sérfræðingarnir eru sammála um að það sé líklegt að ungstirnir Sveindís Jane Jónsdóttir og Karólína Lea Vilhjálmisdóttir, sem léku saman hjá Breiðabliki árið 2020, eigi eftir að láta ljós sitt skina og vekja athygli viðs vegar með frammistöðu sinni á mótinu. FRÉTTABLAÐIÐ/EPA

Líklegt að úrslitin gegn Belgum ráði örlögum Íslands í keppninni

kristinnpall@frettabladid.is

Þrátt fyrir nokkuð krefjandi riðil er ástæða til bjartsýni um gengi Íslands á mótinu. Tvö af þremur liðunum eiga að vera á svipuðum stað og Ísland ef miðað er við heimslista FIFA og því hæfileg ástæða til bjartsýni. Besti árangur Íslands á EM er átta liða úrslit árið 2013. Fréttablaðið fékk þrjár fyrrverandi landsliðskonur til að rýna í möguleika Íslands og hvaða þjóðir væru sigurstranglegastar fyrir upphafsflautið.



Við stillum upp svalasta sigurliðinu!

emmessis

Harpa Þorsteinsdóttir (67 landsleikir)

Harpa, sem er sjöundi markahæsti leikmaður kvennalandsliðsins frá upphafi, telur að það sé lyklatríði að byrja mótíð vel gegn Belgum, spurð út í væntingar. „Ég tel að þessi riðill henti okkur ágætlega, við eigum góða möguleika á að sigra Belgana í fyrsta leik. Ef við náum sigri þar þá væri það frábær byrjun á mótinu,“ segir Harpa og heldur áfram: „Ítalía hefur verið á uppleið síðustu ár og kvennaboltinn þar í mikilli sókn. Við eigum því von á hörkuleik þar og augun verða eflaust á leikmönnum íslenska liðsins sem hafa verið að spila þar og Söru Björk sem er á leið þangað. Frakkarnir eru svo eitt af af þeim liðum sem eiga mikla möguleika á að fara heim með bikarinn. Það er alltaf lærdómsríkt að mæta svo-leiðis liði en það má ekki gleyma því að þetta er Evrópumótíð, allir leikir eru erfiðir og allt getur gerst.“

Aðspurð hvort það séu einhver spurningarmerki í aðdraganda mótsins segist Harpa viss um að Þorsteinn Halldórsson, þjálfari liðsins, leysi úr þeim.


„Það er spurning hvernig leikformið er á nokkrum leikmönnum íslenska liðsins sem annað hvort eru að koma til baka eftir meiðsli, barn-eignir eða hafa verið að spila minna en vaninn er. Ég hef fulla trú á því að Steini nái að dreifa álaginu rétt svo það bitni sem minnst á árangrinum.“

Harpa á von á því að Sveindís verði eitt umtalaðasta nafn mótsins og er vongóð um að Karólína Lea muni um leið springa út.

„Sveindís gæti tekið mjög stórt skref í að verða eitt þekktasta nafnið á mótinu. Karólína Lea gæti verið sá leikmaður sem gæti blómstrað fyrir okkur á þessu mótí,“ segir Harpa, um örlagavaldana (e. x-factor) í liði Íslands.

Harpa telur að sigurstranglegasta lið mótsins sé í riðli Íslands en að það gætu nokkur lið blandað sér í baráttuna.

„Eins og ég nefndi hér áður þá er Frakkland líklegt til sigurs. Svo er ákveðið heimavallarfor-skot sem fellur með Englandi svo ég held að þær muni hagnast á því fram yfir Frakkana og standa uppi sem sigurveggar. En það verður gaman að fylgjast með liðum eins og Spáni og Hollandi, þær spila skemmtilegan fótbolta og verða í baráttunni ásamt Þýskalandi og Svíþjóð.“ ■



Guðbjörg Gunnarsdóttir (64 landsleikir)

Guðbjörg Gunnarsdóttir, fyrrverandi markmaður liðsins, er bjartsýn á gengi Íslendinga. „Ég er mjög bjartsýn, liðið er með marga leikmenn sem eru að spila á háu stigi í Evrópu og liðið er búið að spila sig mjög vel saman eftir kynslóðaskiptin sem hafa komið á síðustu árum. En á sama tíma hafa önnur lið í Evrópu, eins og Ítalía og Belgía, bætt sig mikið,“ segir Guðbjörg, sem telur fyrsta leikinn lyklatríði upp á framhaldið.

„Það er algjört lyklatríði að vinna Belgíu í fyrsta leik fyrir framhaldið, Ítalía verður sennilega erfiðari leikur en við höfum átt mjög góða leiki við þær áður þannig að við eigum góðan séns á því að hafa sett okkur í góða stöðu fyrir leikinn við Frakka.“

Guðbjörg telur að Sara verði í liðinu, aðspurð hvort það séu mörg spurningarmerki í liðsuppstillingunni. „Við erum í lúxusmálum með miðverðina því Glódís, Guðrún, Ingibjörg, Guðný og Sif gætu allar spilað þar. Miðjan er að sama skapi mjög vel mönnuð. Mér finnst Sara alltaf eiga að starta ef hún getur, svo er hægt að kippa henni út ef það fer að draga af henni í seinni hálfleik,“ segir Guðbjörg, sem telur að Berglind verði fyrsti kostur í framlíðunni.

„Framherjastaðan er kannski mest opin, Steini fer kannski eftir formi hverju sinni en á meðan Berglind skorar mörk þá finnst mér hún eiga skilið að spila.“

Guðbjörg kveðst spennt fyrir því að sjá Sveindís Jane á stærsta sviðinu. „Það hefur verið geggjað að fylgjast með henni, bæði í Svíþjóð og núna í Þýskalandi. Ef hún nær að höndla pressuna sem fylgir því að spila í lokakeppni þá hefur hún alla hæfileikana til þess að slá í gegn. Ég myndi halda að mótherjarnir séu búnir að skoða hana vel og ég geri ráð fyrir að það verði tvöfaldað svolítið á hana, það ætti að gefa leikmönnum í kring meira pláss og tíma.“

Guðbjörg telur að heimamenn séu sigurstranglegir í aðdraganda móts. „Mér finnst Eng- lendingar, Frakkar og Svíar líta svakalega vel út. Ég ætla að skjóta á að England slái í gegn og taki þetta með mikinn stuðning heima.“ ■



Ásgerður Stefanía Baldursdóttir (10 landsleikir)

Ásgerður, leikmaður Vals sem lék á sínum tíma tíu landsleiki og verður í hlutverki sérfræðings hjá RÚV á Evrópumótinu í sumar, segist vera bjartsýn í aðdraganda mótsins.

„Ég er mjög bjartsýn á gott gengi Íslands. Við vorum tiltölulega heppin með riðil þó að þetta séu snúnir andstæðingar og Frakkarnir frábærir. Við eigum að geta unnið bæði Ítalí og Belga, sem myndi stilla upp úrslitaleik gegn Frökkum, þannig að ég er bjartsýn á að við förum áfram,“ segir Ásgerður, aðspurð hvort hún sé bjartsýn fyrir komandi verkefni.

„Frakklandsleikurinn gæti orðið að bónusleik. Ég held að það gæti hentað okkur vel að byrja gegn Belgum og Ítölum. Það er góð holning á liðinu og það gefur manni ástæðu til bjartsýni.“ Ásgerður tekur undir að það séu ákveðin spurningarmerki þegar kemur að varnarlinunni.

„Hægri bakvarðarstaðan hefur verið spurningarmerki hjá Þorsteini, hann hefur notað fjóra leikmenn þar. Guðný (Árnadóttir) hefur verið í kappi við tímenn að ná sér af meiðslunum, mikilvægt að fá hana inn þar. Í miðverðinum tel ég líklegt að hann veðji á Guðrúnu við hlið Glódísar í vörninni en svo er spurning hvað hann gerir í vinstri bakverði. Áslaug hefur spilað vel með Blikum og er að veita Hallberu verðuga samkeppni, sennilega sú fyrsta sem nær því í tíu ár.“

Aðspurð hvort það vanti einhvern örlagavald (e. x-factor) í hópinn segist Áslaug hissa á að Hlín Eiríksdóttir sé ekki í hópnum. „Ég sé svolítið eftir Hlín í þessum hópi, gat verið leikurinn sem myndi reynast örlagavaldur. Amanda er efnileg, hefur litið spilað, með X-factor, en veit ekki hvað hún fær stórt hlutverk. Svo er Áslaug spennandi leikmaður sem getur leyst af nokkrar stöður.“

Ásgerður á von á því að Spánverjar verði sterkasta lið mótsins en heimakonur komi einnig sterklega til greina.

„Spánverjarnir eru með mjög sterkt lið og eru að minnu mati sigurstranglegastar. Svo er ég með blæti fyrir enska landsliðinu, spila á heima-velli og vona að þær fái góðan stuðning. Ef ég ætti að setja pening undir væri það líklegast Spánn.“ ■





EM 2022 ALLA LEIÐ



Tökum stemmninguna alla leið

Sem einn aðalbakhjarl KSÍ og Stelpnanna okkar þá tökum við auðvitað EM stemmninguna alla leið hér heima. Við mælum sterklega með EM torginu í miðborginni á leikdegi og ef þú horfir heima þá er tilvalið að renna við hjá okkur og græja snakkið og veitingarnar.

Áfram Ísland!

440 1000 n1.is





stelpurnar okkar

Amanda Jacobsen ANDRADÓTTIR  18 ára Valur 6 landsleikir Reykjavík	Elin Metta JENSEN  27 ára Valur 59 landsleikir Reykjavík	Svava Rós GUÐMUNDSDÓTTIR  26 ára Fram 31 landsleikir Reykjavík	Cecilía Rán RÚNARSDÓTTIR  18 ára Afturelding 7 landsleikir Mosfellsbær	Hallbera Guðný GÍSLADÓTTIR  35 ára ÍA 128 landsleikir Akranes
Karólína Lea VILHJÁLMSDÓTTIR  20 ára FH 19 landsleikir Hafnarfjörður	Sif ATLADÓTTIR  36 ára FH 85 landsleikir Hafnarfjörður	Selma Sól MAGNÚSDÓTTIR  24 ára Breiðablik 17 landsleikir Kópavogur	Agla María ALBERTSDÓTTIR  22 ára Breiðablik 47 landsleikir Kópavogur	Glódís Perla VIGGÓSDÓTTIR  26 ára HK 102 landsleikir Kópavogur
Alexandra JÓHANNSDÓTTIR  22 ára Haukar 24 landsleikir Hafnarfirði	Sara Björk GUNNARSDÓTTIR  31 árs Haukar 139 landsleikir Hafnarfjörður	Gunnhildur Yrsa JÓNSDÓTTIR  33 ára Stjarnan 90 landsleikir Garðabæ	Sveindís Jane JÓNSDÓTTIR  21 árs Keflavík 19 landsleikir Keflavík	Ingibjörg SIGURDARDÓTTIR  24 ára Grindavík 45 landsleikir Grindavík

Allir landshlutar eiga fulltrúa í liðinu

**Guðrún
ARNARDÓTTIR**



26 ára

BÍ

19 landsleikir

Ísafjörður

**Sandra
SIGURÐARDÓTTIR**



35 ára

KS

42 landsleikir

Siglufjörður

Af 23 leikmönnum íslenska liðsins eru ekki margir sem koma frá sama félagi. Ellefu koma frá félögum utan höfuðborgarsvæðisins og fimm félög eiga meira en einn fulltrúa í EM-hópnum.


Hægt er að segja að hver landshluti eigi einn fulltrúa. Guðrún Arnardóttir, sem er alin upp á Ísafirði, er fulltrúi Vestfjarða og Sandra Sigurðardóttir er fulltrúi Norðurlands en hún ólst upp á Siglufirði.

Austfirðir eiga þrjá fulltrúa í liðinu að þessu sinni. Áslaug Munda Gunnlaugsdóttir er fædd og uppalin á Egilsstöðum og skammt undan var Telma Ívarsdóttir að leika með Þrótti Neskaupstað og Guðný Árnadóttir hjá Sindra í Hornafirði.

Suðurlandið á sína fulltrúa í Rangæingnum Dagnýju Brynjarsdóttur og Eyjameyjunum Elísu Viðarsdóttur og Berglindi Björgu Þorvaldsdóttur og

Reykjanesið sína fulltrúa í Ingibjörgu Sigurðardóttur og Sveindísi Jane Jónsdóttur. Hallbera Guðný Gísladóttir er svo eini fulltrúi Vesturlands. Stelpurnar sem ólust upp á höfuðborgarsvæðinu koma úr fimm mismunandi sveitarfélögum og á Hafnarfjörður flesta fulltrúana á mótinu af íslensku sveitarfélögum, eða fjóra.

Myndirnar koma frá Huldu Margréti í samstarfi við KSÍ. ■



**Áslaug Munda
GUNNLAUGSDÓTTIR**



21 árs

Höttur

5 landsleikir

Egilsstaðir

**Telma
ÍVARSDÓTTIR**



23 ára

Þróttur

1 landsleikir

Neskaupstaður

**Dagný
BRYNJARSDÓTTIR**



30 ára

KFR

102 landsleikir

Hella

**Berglind Björg
ÞORVALDSDÓTTIR**



30 ára

ÍBV

63 landsleikir

Vestmannaeyjar

**Elísa
VIÐARSDÓTTIR**



31 árs

ÍBV

37 landsleikir

Vestmannaeyjar

**Guðný
ÁRNADÓTTIR**



21 árs

Sindri

15 landsleikir

Hornafjörður

Foreldrarnir bjartsýnir á gengi Íslands

kristinnpall@frettabladid.is

Allar líkur eru á að þúsundir Íslendinga fylgi Stelpunum okkar á leikina á Evrópumótinu í sumar. Sumir foreldrarnir eru að þreyta frumraun sína en aðrir eru öllum hnútum kunnugir á þessu sviði. Fyrst þegar Ísland komst á Evrópumót kvenna var það fámennur hópur sem skellti sér til Finnlands en þegar mótið færir sig í vögg knattspyrnunnar á Englandi er von á stórum hópi Íslendinga. Fréttablaðið ræddi við nokkra af foreldrum leikmanna íslenska hópsins um aðdraganda mótsins og spurði hvort von væri á fjölmönnum hópi fólks sem ætlaði að styðja við bakið á sínu fólki og hvernig væri að takast á við eftirvæntinguna.



Elísa Viðarsdóttir

Annað stórmótið

„Það er mjög marktækur munur, það er mun meiri meðbyr með liðinu í dag. Auglýsingar, þættirnir sem birtast um stelpurnar og öll skrifin. Það er ekki hægt að líkja þessu saman,“ segir Guðmunda Bjarnadóttir, móðir Elísu og Margrétar Láru Viðarsdætra, aðspurð út í aðdraganda mótsins til samamburðar við fyrsta mót íslenska liðsins. Þau hjónin, Guðmunda og Viðar Elíasson, eru á leiðinni á sitt fjórða stórmót með íslenska liðinu. „Það voru ekki margir sem komu á fyrsta mótið í Finnlandi en það hefur fjölgað í hópnum með hverju móti sem liður og það hafa aldrei verið jafn margir og í Hollandi,“ segir Viðar.

Þau mættu á EM 2017 í Hollandi þrátt

fyrir að báðar dætur þeirra meiddust í aðdraganda mótsins.

„Fyrir leikina í Hollandi voru viðburðir í aðdraganda leikjanna sem mynduðu þessa skemmtilegu stemningu,“ segir Guðmunda og Viðar telur að það verði skemmtileg stemning sem myndist í sumar.

„Kvennaboltinn er í mikilli sókn, sérstaklega í Bretlandi. Mun meiri aðsókn og umfjöllun sem eykur sýnileika og fjármagnið í kvennaboltanum.“

Viðar telur að það sé góð ástæða til bjartsýni.

„Við erum að fara að mæta sterkum liðum, þurfum að eiga góða leiki til að standa í þeim. Góðir leikmenn innanborðs, þurfum að mæta einbeitt og þá er aldrei að vita. Það er ástæða til bjartsýni.“



Hallbera Guðný Gísladóttir

Þriðja stórmótið

Gísli Gíslason, fyrrverandi stjórnaðlimur í KSÍ, og Hallbera Friða Jóhannsdóttir, verða mætt á sitt þriðja stórmót til að fylgjast með dóttur sinni, bakverðinum Hallberu Guðnýju. Skagamærin er í hópi reynslumestu leikmanna liðsins og foreldrar hennar halda áfram að fylgja henni á stórmótin. „Það er komin mikil eftirvænting. Þetta er í þriðja sinn sem við fylgjum henni og við missum ekki af þessu. Við erum tvö að fara en maður veit af góðum hópi fólks, bæði hér af Akranesi, innan KSÍ og fleirum sem hafa verið á síðustu mótum þannig að það verður góður hópur þarna,“ segir Gísli hress. Hann tekur undir að það sé spenn-

andi að sjá mótið í vöggu fótboltans á Englandi. „Algjörlega. Hópurinn hefur stækkað með hverju móti og það er kominn góður hópur fólks sem fylgir liðinu á öll stórmót. Ég held að Íslendingar séu búnir að læra býsna vel að fara á þessi stórmót og það myndast alltaf skemmtilegt andrúmsloft sem einkennist af gleði og fögnuði.“

Gísli telur að á heildina litið sé ágætis ástæða til bjartsýni.

„Hugtakið væntingar er mjög vandmeðfarið, en til þessa hefur hópurinn sem hefur verið á Evrópumótunum heilt yfir verið bjartsýnn á gott gengi liðsins. Það á þátt í því að skapa þessa skemmtilegu stemningu innan sem utan vallar.“



Guðný Árnadóttir

Fyrsta stórmótið

„Þetta erum við foreldrarnir, systur hennar, amma hennar og stórtengdafiðlskyldan sem ætlum að fylgja henni,“ segir Ragnhildur Einarsdóttir, mamma Guðnýjar, aðspurð hvort það fari stór hópur með Hornfirðingnum á hennar fyrsta stórmót.

„Frændfólk hennar á miða á leiki sem voru í svolitilli biðstöðu til að sjá hvort að hún myndi ná sér.“

Ragnhildur er að fara á sitt fyrsta stórmót og er spennit fyrir nýjunginni.

„Guðný fór með pabba sínum að fylgjast með einum leik á Evrópumótinu 2017, en ég er að fara í fyrsta sinn. Þetta verður skemmtileg upplifun að sjá hana spila þarna. Ég er búin að biða spennit síðan í vor, hvort hún verði ekki örugglega búin að ná sér,“ segir Ragnhildur en dóttir hennar hefur verið að ná sér af meiðslum.



Áslaug Munda Gunnlaugsdóttir

Fyrsta stórmótið

„Það er mikil tilhlökkun í loftinu og fjórir ættliðir á leiðinni út að fylgjast með liðinu og henni. Ég á ekki von á öðru en að það verði góð stemning, enda flestallir af nánustu skyldmennunum að fara sem hafa heilsu til,“ segir Jóney Jónsdóttir, móðir Áslaugar Mundu.

„Við fórum á EM 2017 í Hollandi, með Áslaugu Mundu og systur hennar, ásamt tveimur systkinum mínum og fjölskyldum og þetta heillaði okkur svona. Við vorum strax ákveðin í að missa ekki af næsta móti og keyptum öll miða, meðal annars Áslaug Munda. Það voru óvissu-

merki á lofti tengd þessu höfuðhöggi sem hún fékk í haust og í raun ekki góð batamerki fyrr en í vor. Það er risabónus að hún sé í hópnum, fái að upplifa EM sem ein af þessu frábæra liði.“

Áslaug sem kemur frá Egilsstöðum fluttist ung að árum til að leika með Breiðabliki.

„Það eru ótrúlegar fórnir að baki. Hún hefur átt þennan draum lengi. Ég held að það hafi verið þegar hún var tíu eða ellefu ára sem ég sá að hún var búin að skrifa hjá sér að markmiðið væri að komast í landsliðið. Þetta voru háleit markmið, en það getur verið gott að vera með stóra drauma og betra að sjá þá rætast.“



Karólína Lea Vilhjálmisdóttir

Fyrsta stórmótið

„Við erum að fara nokkuð stór hópur saman, fjölskyldan, og ætlum að vera á svæðinu í tólf daga. Það eru þrír leikir á tólf dögum og við ætlum að nýta tímann vel á milli leikja,“ segir Vilhjálmur Kári Haraldsson, faðir Karólínu Leu, aðspurður hvort margir muni fylgja sóknartengiliðnum út á fyrsta stórmót Karólínu.

„Við höfum oft farið á leiki erlendis og fylgdumst með karlalandsliðinu en þetta er frumraun okkar á stórmóti kvennalandsliða. Þetta er um leið í fótboltaborg, tvö frábær lið á svæðinu og stutt yfir til Liverpool. Við ætlum að nýta tímann um leið til að reyna að sjá einhverja velli.“

Hann á von á góðri stemningu á leikjunum. „Algjörlega, ég hugsa að það myndist góð stemning á mótinu. Það eru því miður ekki nægilega margir miðar í boði en við sem verðum þarna munum njóta þessara stunda.“

Heitir og kaldir gæðapottar sem hitta í mark hjá öllum í fjölskyldunni

ásamt miklu úrvali af fylgi- og aukahlutum fyrir pottinn og pottaferðina!



UNO vatnsheld spil
3.490 kr.



Vatnsheld spil
2.950 kr.



Hitamælir m/bandi
(stór appelsínugulur)
3.000 kr.



Hitamælir gul önd
2.500 kr.



Hitamælir golfkúla
1.900 kr.

Nú eigum við okkar vinsælustu potta til á lager!



Geirslaug
279.000 kr.



Snorrslaug
299.000 kr.



Gvendarslaug
189.000 kr.



Unnarlaug
310.000 kr.



Sigurlaug
(kaldi potturinn)
135.000 kr.



Grettislaug
259.000 kr.



Algjör slökun!

Fljótandi „hengirúm“. Margir litir
3.900 kr.

NORMX

Opið mánud. - fimmtud. 10 - 18 og föstud. 10 - 17

Við hjá NormX höfum framleitt heita potta fyrir íslenskar aðstæður í yfir 40 ár. Við bjóðum fjölda gerða og líta ásamt öllu því sem tilheyrir til að koma sér upp glæsilegum heitum potti á verði sem kemur skammtilega á óvart.

NORMXA · Auðbrekku 6 · Kópavogi · Sími 565 8899 · normx.is

Pottarnir okkar eru fáanlegir í nokkrum litum.

Dagskráin á Evrópumóti kvenna 2022

ENGLAND, 6.—31. júlí

A-riðill

England

Austurríki

Noregur

N-Írland

Besti árangur

Úrslit 1984, 2009

Undanúrslit 2017

Sigurvegari 1987, 1993

Nýliði

B-riðill

Þýskaland

Danmörk

Spánn

Finnland

Áttfaldir Evrópumeistarar

Úrslit 2017

Undanúrslit 1997

Undanúrslit 2005

Leikir

6. England - Austurríki

Manchester

7. Noregur - N-Írland

Southampton

11. Austurríki - N-Írland

Southampton

England - Noregur

Brighton

15. N-Írland - England

Southampton

Austurríki - Noregur

Brighton

8. Spánn - Finnland

Milton Keynes

Þýskaland - Danmörk

Brentford

12. Danmörk - Finnland

Milton Keynes

Þýskaland - Spánn

Brentford

16. Finnland - Þýskaland

Milton Keynes

Danmörk - Spánn

Brentford

C-riðill

Holland

Svíþjóð

Sviss

Portúgal

Sigurvegari 2017

Sigurvegari 1984

Riðlakeppni 2017

Riðlakeppni 2017

D-riðill

Frakkland

Ítalía

Belgía

Ísland

Átta liða úrslit

Úrslit 1993, 1997

Riðlakeppni 2017

Átta liða úrslit 2013

9. Holland - Svíþjóð

Sheffield

Portúgal - Sviss

Leigh

13. Holland - Portúgal

Leigh

Svíþjóð - Sviss

Sheffield

17. Sviss - Holland

Sheffield

Svíþjóð - Portúgal

Leigh

10. Frakkland - Ítalía

Rotherham

Belgía - Ísland

Manchester

14. Ítalía - Ísland

Manchester

Frakkland - Belgía

Rotherham

18. Ísland - Frakkland

Rotherham

Ítalía - Belgía

Manchester

Útsláttarkeppni

Tvö efstu lið riðilsins komast áfram í átta liða úrslit

Átta liða úrslit

20. júlí

A1 - B2

Brighton

22. júlí

C1 - D2

Leigh

21. júlí

B1 - A2

Brentford

23. júlí

D1 - C2

Rotherham

Undanúrslit

26. júlí

Sheffield

27. júlí

Milton Keynes

Úrslit

31. júlí

Wembley, London

Heimild: UEFA

© GRAPHIC NEWS

Þetta er fyrsta stórmót kvennalandsliðsins undir stjórn Þorsteins Halldórssonar sem tók við liðinu á síðasta ári.

FRÉTTABLAÐIÐ/
ERNIR

Þriðjungslíkur á að Ísland fari áfram

kristinnpall@frettabladid.is

Tölfræðiveitan The Analyst sem Opta sér um, telur meiri líkur á því að Ísland lendi í neðsta sæti riðilsins en að Stelpurnar okkar komist áfram í átta liða úrslitin á Evrópumótinu í sumar. Þrátt fyrir það telur tölfræðiveitan rúmlega þriðjungslíkur á því að Ísland verði annað tveggja liða sem fari áfram úr D-riðli.

Samkvæmt útreikningum The Analyst eru 35,3 prósent líkur á því að Ísland komist áfram í útsláttarkeppnina og 13,2 prósent líkur á að Ísland vinni D-riðilinn. Um leið telur Analyst 35,8 prósent líkur á því að Ísland verði í neðsta sæti riðilsins og 28,9 prósent líkur á að þriðja sætið verði Íslendinga.

8 Þýskaland er sigur-sælasta lið keppninnar frá upphafi með 8 Evrópumeistaratitla af tólf. Þegar Hollendingar urðu Evrópumeistarar árið 2017 urðu Hollendingar fyrsta liðið annað en Þýskaland til að hampa titlinum í 24 ár.

Útreikningarnir gefa íslenska liðinu 14,1 prósent líkur á því að fara enn lengra og komast í undanúrslitin, 6,9 prósent líkur á að Stelpurnar okkar komist í úrslitaleikinn og 2,8 prósent líkur á að þær verði Evrópumeistarar í lok júlí.

Um leið vekur athygli að samkvæmt útreikningunum þykja heimakonur á Englandi líklegastar til að standa uppi sem sigurvegarar. Næst koma Frakkar, Svíar og áttfaldir Evrópumeistarar Þýskalands áður en komið er að Spánverjum sem veðbankar telja líklegasta til árangurs.

Athygli vekur að af níu sigurstranglegustu liðum mótsins eru öll fjögur liðin í D-riðli, riðli Íslands, innan þess hóps. ■

HÖNNUNARSAFN ÍSLANDS

GARÐATORG 1
210 GARÐABÆR

SÝNINGAR

SUND

STENDUR TIL 23.10.

SAFNIÐ V RÖNGUNNI

TILTEKT

STENDUR TIL 30.12.

PALLURINN

HRUND ATLADÓTTIR
SÝNDARSUND

STENDUR TIL 23.10.

VINNUSTOFUDVÖL

BYGGINGAR HÖGNUM SIGURÐARDÓTTUR
ARKITEKTAMÓDEL

STENDUR TIL 31.08.

OPIÐ ÞRI—SUN 12—17
WWW.HÖNNUNARSAFN.IS

Instagram

Facebook

honnunarsafn



**BESTA
DEILDIN**

NS
NÓI SÍRÍUS

KOMASO!

INN MEÐ BOLTANN! INN MEÐ BESTA SETTIÐ!



Besta settið er glænýtt rjómasúkkulaði úr Eitt Sett leikmannahópnum.

Við breytum um leikskipulag og bætum við fljótandi lakkrísfyllingu í

Besta settið. Stoltur styrktaraðili Bestu deildar kvenna og karla.



Hver sigur fjórtán milljóna virði

kristinnpall@frettabladid.is

Í fyrsta skiptið á Evrópumóti kvenna verða árangurstengdar greiðslur sem biða liðanna fyrir hvert jafntefli eða hvern sigur í riðlakeppninni í sumar. Fyrir hvert jafntefli fengi íslenska liðið fimmtíu þúsund evrur, tæplega sjö milljónir íslenskra króna, en með sigri tvöfaldast sú upphæð upp í hundrað þúsund evrur, um fjórtán milljónir króna.

Heildarverðlaunafé mótsins er sextán milljónir evra sem er tvöfalt hærri upphæð en á Evrópumótinu í Hollandi árið 2017. Hvert og eitt lið fær sex hundruð þúsund evrur, um 84 milljónir króna, fyrir það eitt að komast inn á mótið en sú upphæð mun hækka verulega hjá liðum sem komast langt á mótinu. Komist Ísland upp úr riðlinum og í átta liða úrslitin fær liðið 205 þúsund evrur til viðbótar, um 28,7

milljónir íslenskra króna. Komist Stelpurnar okkar skrefi lengra fá þær 320 þúsund evrur til viðbótar, tæplega 45 milljónir. Sigurvegari mótsins fær svo 660 þúsund evrur til viðbótar og silfurliðið 420 þúsund evrur. Takist liði að vinna alla sex leiki sína á mótinu fær það rúmlega tvær milljónir evra í sinn hlut, eða rétt tæplega 292 milljónir íslenskra króna. ■



Dagný skoraði sigurmark Íslands gegn Hollandi á EM 2013. FRÉTTABLAÐIÐ/EPA



Sif er einn þriggja leikmanna Íslands sem eru að fara á sitt fjórða EM.

Veðbankar hafa litla trú á Íslandi

Flestir af stærstu veðbönkum heims eru sammála um að Spán-verjar séu sigurstranglegasta lið mótsins og gefa um leið Íslandi litlar líkur á að lyfta bikarnum þann 31. júlí næstkomandi. Ýmsir veðbankar bjóða upp á að veðja á sigurvegara mótsins sem hefst á morgun. Í snöggri yfirferð Fréttablaðsins kom í ljós að flestir veðbankar telja íslenska liðið tólfta líklegasta liðið til að verða Evrópumeistari í sumar. Einn veðbanki var með Ísland einu sæti ofar og einn einu sæti neðar. Þó að spænska liðið sé talið sigurstranglegast eru heimakonur á Englandi ekki langt undan, en allir veðbankarnir sem voru skoðaðir voru með Spán og England í efstu tveimur sætunum. ■

Búið að selja metfjölda miða

Síðasta föstudag staðfesti Evrópska knattspyrnusambandið, UEFA, að búið væri að selja rúmlega 500 þúsund miða á Evrópumótið sem hefst í dag. Opnunarleikurinn fer fram á Old Trafford, heimavelli Manchester United, og seldust allir 74 þúsund miðarnir fljótt upp. Miðakaupendur koma frá 99 mismunandi löndum en áttatíu prósent miða hafa selst til Eng- lendinga.

» Uppselt er á fyrstu tvo leiki Íslands á mótinu, gegn Belgíu og Ítalíu. Leikirnir fara fram í Manchester.

Uppselt er á alla þrjá leiki enska landsliðsins í riðlakeppninni og tvo af þremur leikjum hjá Stelpunum okkar í riðlakeppninni. Þá er uppselt í öll 90 þúsund sætin á úrslitaleikinn sem fer fram á þjóðarleikvangi Engendinga, Wembley. Á Evrópumótinu í Hollandi árið 2017 var aðsóknarmet sett þar sem 240 þúsund áhorfendur mættu á leikina en ljóst er að það met fellur í sumar. ■



Hjarta heimilisins

Við hönnum innréttingar að þínum pörfum

FRÍFORM

2000 — 2022

Sumaropnun:

Mán. — Föst. 10—17

Laugardaga LOKAÐ

Fríform ehf.

Askalind 3,

201 Kópavogur.

562—1500

Friform.is.